

Na osnovu člana 16. stav 2. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“ broj: 7/10) i Programa utroška sredstava planiranih Budžetom Zeničko-dobojskog kantona za 2014. godinu, Ministarstva za rad, socijalnu politiku i izbjeglice broj:02-14-3163-1/14 od 06.02.2014. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 179. sjednici, održanoj dana 27.08.2014. godine, d o n o s i

ODLUKU

o odobravanju sredstava za sufinansiranje projekta Općine Žepče „Plan izgradnje novih i sanacija oštećenih stambenih objekata na području općine Žepče usljed prirodne nesreće“

Član 1.

(Predmet)

Odobravaju se Općini Žepče sredstva u iznosu od 150.000,00 KM (slovima: stotinupedesethiljada konvertibilnih maraka) na ime sufinansiranja projekta Općine Žepče „Plan izgradnje novih i sanacija oštećenih stambenih objekata na području općine Žepče usljed prirodne nesreće“.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona („Službene novine Zeničko-dobojskog kantona“ broj: 15/13), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 207, pozicija Budžeta: „Ostali socijalni transferi“.

Član 3.

(Uplata sredstava)

Odobrena sredstva uplatiti će se na račun Općine Žepče broj: 3383102255938035 otvoren kod Unicredit banke sa naznakom: „Sufinansiranje Projekta- Plan izgradnje novih i sanacija oštećenih stambenih objekata na području općine Žepče usljed prirodne nesreće“.

Član 4.

(Provođenje Odluke)

Zadužuju se Ministarstvo za rad, socijalnu politiku i izbjeglice, Ministarstvo finansija i Općina Žepče, da u skladu sa zakonom i podzakonskim aktima realizuju ovu odluku, svako u okviru svojih nadležnosti.

Član 5.

(Izveštavanje)

Zadužuje se Općina Žepče da Ministarstvu za rad, socijalnu politiku i izbjeglice dostavi narativni i finansijski izvještaj o namjenski utrošenim sredstvima po okončanju Projekta iz člana 1. ove odluke.

Član 6.

(Stupanje na snagu)

Odluka stupa na snagu danom donošenja, i biti će objavljena u „Službenim novinama Zeničko-dobojskog kantona“.

Broj: 02-_____/14

Datum, 27.08.2014. godine

Z e n i c a

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Općina Žepče, putem ministarstva,

1x “Službene novine Zeničko-dobojskog kantona”,

1x a/a.

PREMIJER

Munib Husejnagić, dipl.ing.maš.